

175 Եւ իբրեւ անցաք յայնկոյս գետոյն եւ
 եկաք ի ՍԻԻԼԻԹ բերթն³, ընդ առաջ եկին մեզ
 զինպորք. եւ մեք խնդացաք թէ զմեզ պատիւ
 տանին: Իսկ նոքա զմեզ տարան ի խան մի,
 որ կոչեն «Նազարեթ». եւ փակեալ զգրունս
 180 ի վերայ մեր՝ գնացին: Իսկ մեք զի զլեզուս
 նոցա ոչ գիտէաք եւ ոչ զելս իրացն, մնացաք
 անդ անմխիթար ի սուգ. եւ լայաք զօրն ի
 բուն: Եւ երիկունն հայեցեալ ընդ պատու-
 հանն՝ տեսաք զբազում վաճառականս այլ եւ
 185 այլ քաղաքաց՝ Ստամպուլու, Անկուրու,
 Էտրնու, Զուլու, եւ այլ գաւառաց, քրիստո-
 նեայք եւ անհաւատք. եւ խօսեցեալ ընդ
 միմեանս՝ հարցաք թէ վասն է՞ր այսպէս ար-
 գելին: Եւ ասին թէ այսպիսի սահմանք է
 190 նոցա, որ թէ թագաւորն ալ դայ Թուրքաց՝
 պիտոր նազարէթ քաչ: Զոր մեք լուեալ
 տրտմութիւն մեծ եւ հոգք անհնարինք կալան
 զմեզ. մինչ զի խոսվեցան ոսկերք եւ ցամա-
 քեցան լեզուք մեր, եւ տառապէաք որպէս ի
 195 բանտի եւ ի կասպանս. զի ոչ ոք երեւէր մեզ
 եւ ոչ մեք ումեք. զի ի միմեանց խորչէաք:
 Եւ երկրորդ օրն բերին մեզ կվարտիանտի,
 որ է նազր, եւ ասին թէ սա զամենայն ինչ
 զոր կամիք՝ կատարէ եւ գնէ: Բայց մեք զլե-
 200 զուս նոցա ոչ գիտէաք եւ ոչ նա զմերն, այլ

188 միմիանս: — 196 ումէք զի միմիանց:

³ Spalato: